

禁約役滿吏典指以卓椅為名索要新衆
吏典銀兩例

吏部驗封清吏司為建言民情等事奉府部
送該本司案呈准考功清吏司付奉本部送
往吏部咨礼科抄出陝西西安府邠州等州
等衙門同知等官人等高鵬等建言事件該
通政使司官奏係建言事理合着礼部抄出
會官議奉

聖旨是欽此欽遵抄單移咨到部送司看得內壹件貧吏
壞法該聽選官李郁言事見得各衙門吏典
役滿指以卓椅為由問新衆吏典索要銀伍
六十兩者有之二三十兩者之中間多係貧
難揭借不出無從交还各吏恨恠扶同證佐

赴本管官員稟出寫字粗拙不諳行移其各
官明知挾私不行試驗却乃徇情听從輒將
新撥吏典懷恨搜求別故摻打送回吏部改
撥因此無奈只得典男鬻女棄賣月糧得送
交還方得收參看役之後因無糧米食用艱
難逼迫未免侵漁該給事中王讓節次奏

准通行禁約各衙門不行遵守愈加勒指多要乞

勅部察院出榜於各衙門常川張掛禁約今後但有役滿
吏典索要新參吏典銀兩等物許巡城御史
并錦衣衛行事官校緝拿問罪仍將該管官
員參問如此則奸弊可革吏不受害等因移
付到司案查先該南京吏科給事中王讓奏
稱應天府九江寧二縣補役吏典出銀四十

兩送與所替當該名曰替頂錢不行禁革及
在外府州縣新參吏典要銀三二十兩名曰
公堂錢府縣官分用入已要行禁革已經移
咨部察院通行禁約去後今該前因案呈奉
照聽選官李郁奏稱各衙門役滿吏典指以
卓衙為名問新參吏典索要銀兩要行巡城
御史并官吏人等緝拿一節合就連送該司
仰用手本前去左軍都督等府戶部等衙門
照依議奉

欽依內事理一體欽遵禁革施行